



Prishtinë, 29 mars 2018
Kodi i ZRRE-së: V_930_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, neni 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-184);
- Nenin 16 paragrafin 4 të Rregullës për Procedurën e Autorizimit për Ndërtimin e Kapaciteteve të reja;
- Vendimi për Lëshimin e Autorizimit Final V_755_2016 të datës 28 janar 2016 për shoqërinë "Hidroenergji" SH.P.K., për ndërtimin e kapaciteteve të reja gjeneruese për prodhimin e energjisë elektrike nga uji, HC Lepenci 3 me kapacitet të instaluar prej 8.5 MW, Lokacioni "Sllatinë" ZK Sllatinë, komuna e Kaçanikut;
- Kërkesën për shtyrjen e afatit të vlefshmërisë së Vendimit për Autorizim Final V_755_2016 i datës 28 janar 2016 i Modifikuar me Vendimin V_919_2017 edhe për 1 (një) vit, për ndërtimin e kapacitetit të ri gjenerues për prodhim të energjisë elektrike nga Uji, HC Lepenci 3 me kapacitet të instaluar prej 9.998 MW, ZK Sllatinë, komuna e Kaçanikut, të datë 28.12.2017 nr. prot. 546/17 të shoqërisë "Hidroenergji" SH.P.K., me adresë rruga "Dëshmorët e Kombit" pn,- Ferizaj, Republika e Kosovës,

në seancën e mbajtur me datë 29 mars 2018 nxori këtë:

V E N D I M

- I. **APROVOHET** kërkesa e shoqërisë "Hidroenergji" SH.P.K., dhe **SHTYHET** afati i vlefshmërisë së Autorizimit Final V_755_2016 i datës 28 janar 2016, i Modifikuar me Vendimin V_919_2017, për vazhdimin e ndërtimit të Hidrocentralit HC Lepenci 3 me kapacitet të instaluar prej 9.998 MW, Lokacioni Sllatinë, ZK Sllatinë, komuna e Kaçanikut, edhe për 1 (një) vit, gjegjësisht deri me **28 janar 2019 për ndërtimin e Hidrocentralit.**

A r s y e t i m

- o ZRRE me datë 03.06.2013 nga shoqëria "Hidroenergji" SH.P.K., ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhim të energjisë



elektrike nga Uji, në Lumin Lepenc, HC Lepenci 3, me kapacitet të instaluar prej 8.5 MW, në Lokacionin "Sllatinë", Komuna e Kaçanikut, Republika e Kosovës.

- Bordi i Zyrës së Rregullatorit për Energji, pas analizimit të dëshmimeve të prezantuara nga shoqëria "Hidroenergji" SH.P.K., ka vendosur se aplikuesi ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese nga Uji, dhe ka lëshuar me datë 06 shtator 2013 Vendimin mbi Njoftimin për Autorizimin Preliminar V_558_2013. Vendim mbi Njoftimin për Autorizimin Preliminar, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
- ZRRE me datë 15.07.2015 nga shoqëria "Hidroenergji" SH.P.K., ka pranuar kërkesën për shndërrimin e Vendimit mbi Njoftimin për Autorizimin Preliminar në Autorizim Final për ndërtimin e kapaciteteve të reja gjeneruese për prodhim të energjisë elektrike nga Hidrocentrali në Lumin Lepenc për HC Lepenci 3 me kapacitet të instaluar prej 8.5 MW, në lokacionin ZK Sllatinë, Komuna e Kaçanikut, duke i bashkangjitur dëshmitë e lëshuara nga autoritetet relevante për përmbushjen e të gjitha kërkesave mjedisore, të drejtën mbi shfrytëzimin e tokës, të drejtat mbi shfrytëzimin e ujit, Lejen Ndërtimore dhe kërkesat e tjera ligjore që lidhen me natyrën e projektit sipas legjislacionit në fuqi.
- Bordi i Zyrës së Rregullatorit për Energji, me datë 28.01.2016 ka vendosur që shoqërisë "Hidroenergji" SH.P.K., ti lëshohet Autorizimi Final V_755_2016 për ndërtimin e kapaciteteve të reja gjeneruese, për prodhimin e energjisë elektrike nga Hidrocentrali në Lumin Lepenc, për HC Lepenci 3 me kapacitet të instaluar prej 8.5 MW, Lokacioni ZK Sllatinë Komuna e Kaçanikut.
- ZRRE me datë 28 prill 2017 nga shoqëria "Hidroenergji" SH.P.K., ka pranuar kërkesën për Modifikim të Autorizimit Final për ndryshim vetëm të kapacitetit instalues të Hidrocentralit në Lumin Lepenc, HC Lepenci 3, nga kapaciteti instalues prej 8.5 MW në kapacitetin instalues prej 9.998 MW, ZK Sllatinë, Komuna e Kaçanikut.
- Bordi i Zyrës së Rregullatorit për Energji, me datë 10.05.2017 ka vendosur Vendimin V_919_2017 për Modifikimin e Vendimit të Autorizimit Final V_755_2016 të datës 28 janar 2016, lëshuar shoqërisë "Hidroenergji" SH.P.K., për Hidrocentralin në Lumin Lepenc, HC Lepenci 3 nga kapaciteti instalues prej 8.5 MW, në kapacitetin total të instaluar prej 9.998 MW, sipas Vendimit nr. 3753-3/16-ZSP- 521/2017 dt. 26.04.2017 për lejimin e ndryshimit të vendimit mbi vazhdimin e lejes ujore nr. 3684/12-ZSP-70/13, të datës 17.01.2013, vetëm në rritjen e kapacitetit instalues prej N=8.5 MW në N=9.998 MW në segmentin lumor nga Kuota Z=706.80 ml.m e veprës së marrjes, deri në Kuota Z=565.5 m.l.m. ndërtesa e HC Lepenci 3, e lëshuar nga Ministria e Mjedisit dhe Planifikimit Hapësinor (MMPH).
- ZRRE me datë 28.12.2017 nga shoqëria "Hidroenergji" SH.P.K., ka pranuar kërkesën për vazhdimin e afatit të vlefshmërisë të Vendimit për Autorizimin Final V_755_2016 të datës 28 janar 2016, të Modifikuar me Vendimin V_919_2017 për HC Lepenci 3 me kapacitet të instaluar prej 9.998 MW, **për përfundimin e ndërtimit edhe për një (1) vit, gjegjësisht deri me 28 janar 2019.**
- Shoqëria "Hidroenergji" SH.P.K., në kërkesë e saj ka sqaruar se: pas pranimit të vendimit për autorizimin final menjëherë kanë filluar me përgatitjet e fillimit të punimeve në ndërtimin e



Hidrocentralit HC Lepenci 3, duke filluar me matjet gjeodezike nga expert të fushës, janë bërë përgatitjet për hajen e rrugës, trasesë së tubacionit dhe ndërtesës së Hidrocentralit. Ka sqaruar se, edhe përkundër vullnetit për finalizimin sa më të shpejt të projektit në ndërtimin e stabilimenteve të reja gjeneruese është detyruar që ti drejtohet ZRRE-së, për mundësin e shtyrjes së vlefshmërisë së Autorizimit Final për HC Lepenci 3, edhe për një vit për mundësin e finalizimit të projektit.


- *Arsyeja e kërkesës për shtyrje të afatit për periudhën një vjeçare për HC Lepenci 3 është se kanë pasur të bëjnë me një territor të vështirë, ku ka rrëshqitje të dheut nga uji i madh, shirat vazhdueshëm nga moti i papërshtatshëm për zhvillimin punëve normale, kapaciteti i këtij hidrocentrali është më i madhi i ndërtuar deri më tani përmes procedurës së Autorizimit, specifikave të projektit dhe terreni i vështirë, i kanë detyruar që të jenë të kujdesshëm pasi vlera e projektit është mjaft e madhe dhe rreziqet janë dashur të merren parasysh, dhe të gjitha këto kanë shkaktuar vonesa në përfundimin e këtij projekti deri më tani e për të cilën kanë kërkuar që t’iu mundësohet shtyrja nga ZRRE për finalizimin e projektit.*
- *Shoqëria “Hidroenergjia” SH.P.K., në kërkesën saj ka sqaruar gjithashtu se, janë duke punuar intezivisht në teren edhe përkundër vështirësive në realizimin e projektit HC Lepenci 3, ku deri në tani janë përfunduar punët civile janë përfunduar punimet në hapjen e trasesë së tubacioneve, janë vendosur/montuar më shumë se 2 km tubacion, është finalizuar vepra e marrjes, janë kryej punët në ndërtimin e objektit të Hidrocentralit, janë sjellur në Kosovë turbinat s’bashku me të gjitha pjesët përcjellëse teknike dhe teknologjike, dhe varësisht nga kushtet klimatike priten të vendosen në ndërtesën e Hidrocentralit, nga këto mund të sigurojmë se deri më tani janë përfunduar më shumë se 70% të punimeve.*
- *Andaj, shoqëria “Hidroenergjia” SH.P.K., ka theksuar se marr parasysh të gjitha faktet e cekura më lartë, lusin Bordin e ZRRE-së, që bazuar në dispozitat e nenit 16 paragrafi 4 të Rregullës për procedurën e autorizimit për ndërtimin e kapaciteteve të reja gjeneruese në fuqi në datën lëshimit të vendimit për autorizimin final V_755_2016 të modifikuar me Vendimin V_919_2017 për ndërtimin e hidrocentralit HC Lepenci 3 me kapacitet të instaluar prej 9.998 MW, si projekt i rëndësishëm për prodhimin e energjisë elektrike nga Burimet e Ripërtitshme të Energjisë, të ju lejohet shtyrja e afatit të vlefshmërisë së Autorizimit Final për ndërtimin e hidrocentralit **edhe për një (1) vit**, pasi që vonesat për mos përfundimin e projektit deri më tani kanë ardhur nga faktorët e ndryshëm të natyrës dhe terrenit të pa përshtatshëm dhe brenda këtij afati do të bëjnë të gjitha përpjekjet për të finalizuar projektin në fjalë dhe afateve ligjore të lejueshme.*
- *Bordi i ZRRE-së, pas analizimit të kërkesës së shoqërisë “Hidroenergjia” SH.P.K., dhe dëshmimeve të bashkangjitura për shtyrje të afatit të vlefshmërisë të Autorizimit Final, për ndërtimin e kapaciteteve të reja gjeneruese për prodhimin e energjisë elektrike nga Hidrocentrali, në Lumin Lepenc HC Lepenci 3 me kapacitet të instaluar prej 9.998 MW, në Komunën e Kaçanikut, ka vlerësuar ato, dhe ka konsideruar se kërkesa është e bazuar pasi që ndërtimin i kapaciteteve të reja gjeneruese nga Hidrocentralet është mjaft e vështirë për shkak të terreneve, kushteve klimatike dhe kompleksitetit të këtyre projekteve, dhe duke u mbështetur në shkresat e lëndës, ka vendosur që të lejohet shtyrja e afatit të vlefshmërisë së Autorizimit Final V_755_2016 i datës 28 janar 2016, të Modifikuar me Vendimin V_919_2017, edhe për një afat shtesë ligjor, cuke u mbështetur në dispozitat ligjore të cekura në hyrje të këtij vendimi.*



- II. Vendimi për Lëshimin e Autorizim Final V_755_2016 i datës 28 janar 2016 i Modifikuar me Vendimin V_919_2017, do të vlen deri me datë **28 janar 2019** sipas dispozitivin nën pikën I., të këtij vendimi, në rast se nuk arrin të përfundoj ndërtimin e stabilimenteve të reja gjeneruese nga Hidrocentrali, apo nuk vepron në pajtim me legjislacionin në fuqi, vendimi do të shfuqizohet.
- III. Vendimi nxirret dhe publikohet në gjuhët zyrtare në Republikën e Kosovës.
- IV. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimit të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i ZRRE-së:



Arsim Janova, u.d. Kryesues



Besim Sejfiqaj, anëtar



Selman Hoti, anëtar



Izet Rushiti, anëtar

Vendimi iu dërgohet:

- Palës,
- Komunës së Kaçanik,
- Sekretarit të Përgjithshëm të MMPH-së, dhe
- Arkivit të ZRRE-së